

## REGLUGERÐ

um hlutdeild sjúkratryggðra í kostnaði vegna heilbrigðisþjónustu.

### I. KAFLI

#### Almenn ákvæði.

##### 1. gr.

##### *Gildissvið.*

Í reglugerð þessari er kveðið á um þau gjöld sem sjúkratryggðir skulu greiða fyrir heilbrigðisþjónustu sem veitt er á heilsugæslustöðvum, á bráðamóttöku og göngu- og slysadeild sjúkrahúsa og fyrir heilbrigðisþjónustu sem veitt er hjá sjálfstætt starfandi sérfræðilæknum sem samninganefnd heilbrigðis- og tryggingamálaráðherra hefur gert samning við skv. 39. gr. laga nr. 117/1993 um almannatryggingar, með síðari breytingum.

Heilsugæslustöðvum, sjúkrahúsum og sérfræðilæknum, sbr. 1. mgr., er óheimilt að innheimta hærri eða önnur gjöld af sjúkratryggðum en kveðið er á um í reglugerð þessari og fylgiskjali með henni.

Tryggingastofnun ríkisins skal kynna almenningi efni þessarar reglugerðar.

##### 2. gr.

##### *Fagleg samskipti heilsugæslulækna, heimilislækna og sérfræðilækna.*

Í samræmi við markmið um að tryggja fagleg samskipti milli heilsugæslulækna, heimilislækna og sérfræðilækna er gert ráð fyrir því sem meginreglu í reglugerð þessari að samskipti sjúklings og læknis hefjist hjá heilsugæslu- eða heimilislækni.

Sjúklingur sem kemur til sérfræðilæknis fyrir milligöngu heilsugæslu- eða heimilislæknis skal hafa meðferðis beiðni frá læknum. Sérfræðilæknirinn skal ávallt senda lækna- bréf til heilsugæslu- eða heimilislæknis sjúklings, sbr. þó 4. mgr.

Komi sjúklingur til sérfræðilæknis án milligöngu heilsugæslu- eða heimilislæknis skal sérfræðilæknir þó ávallt senda heilsugæslu- eða heimilislækni sjúklingsins lækna- bréf. Komi sjúklingur til sérfræðilæknis fyrir milligöngu annars sérfræðilæknis skal síðari sérfræðilæknirinn ávallt senda lækna- bréf til heilsugæslu- eða heimilislæknis sjúklingsins og þess sérfræðilæknis sem hafði milligöngu um samskiptin, sbr. þó 4. mgr.

Sjúklingi er heimilt að óska þess við lækni að hann sendi ekki upplýsingar honum viðkomandi til annarra lækna. Þess skal þá getið í sjúkraskrá. Lækni er og skylt að útskýra fyrir sjúklingi ábyrgð þá sem þessu fylgir fyrir sjúklinginn sjálfan.

##### 3. gr.

##### *Hverjir eru sjúkratryggðir.*

Sá sem verið hefur búsettur hér á landi í sex mánuði telst sjúkratryggður nema annað leiði af milliríkjasamningum, sbr. 32. gr. og 9. gr. a. laga nr. 117/1993 um almannatryggingar, með síðari breytingum. Með búsetu er átt við lögheimili í skilningi lögheimilislaga.

Börn og unglingar yngri en 16 ára eru sjúkratryggð með foreldrum sínum. Sama á við um stjúpbörn og fósturbörn.

Tryggingastofnun ríkisins ákvarðar hvort einstaklingur telst sjúkratryggður. Að öðru leyti gildir, um það hverjir teljast sjúkratryggðir hér á landi, reglugerð nr. 463/1999 um framkvæmd almannatrygginga og skráningu í tryggingaskrá.

## II. KAFLI

### Heilsugæsla.

#### 4. gr.

#### *Komugjöld á dagvinnutíma.*

Fyrir komu á heilsugæslustöð eða til heimilislæknis á dagvinnutíma skulu sjúkratryggðir greiða sem hér segir:

1. Sjúkratryggðir almennt, kr. 500.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 250.
3. Börn með umönnunarkort samkvæmt reglugerð nr. 540/1997 um fjárhagslega aðstoð við framfærendur fatlaðra og langveikra barna, kr. 150.

Undanþegar gjaldskyldu eru komur vegna mæðra- og ungbarnaverndar, heilsugæsla í skólum og unglíngamóttaka í heilsugæslu sem veitir ráðgjöf og fræðslu um forvarnir. Með mæðra- og ungbarnavernd er átt við mæðra- og ungbarnavernd eins og hún er skilgreind í tilmælum landlæknis um áherslur í mæðravernd og ung- og smábarnavernd.

Gjöld samkvæmt þessari grein renna til reksturs heilsugæslustöðvar eða stofureksturs heimilislæknis.

#### 5. gr.

#### *Komugjöld utan dagvinnutíma.*

Fyrir komu á heilsugæslustöð eða til heimilislæknis utan dagvinnutíma, þ.e.a.s. milli kl. 17.00 og 08.00 og á laugardögum og helgidögum, skulu sjúkratryggðir greiða sem hér segir:

1. Sjúkratryggðir almennt, kr. 1.400.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 600.
3. Börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna, kr. 400.

Hafi læknir sjálfur valið að sinna læknisstarfi utan dagvinnutíma skal greitt samkvæmt 4. gr.

Gjöld samkvæmt þessari grein renna til reksturs heilsugæslustöðvar eða stofureksturs heimilislæknis.

#### 6. gr.

#### *Gjöld vegna vitjana lækna.*

Fyrir vitjun læknis á dagvinnutíma skulu sjúkratryggðir greiða sem hér segir:

1. Sjúkratryggðir almennt, kr. 1.400.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 500.
3. Börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna, kr. 400.

Fyrir vitjun læknis utan dagvinnutíma skulu sjúkratryggðir greiða sem hér segir:

1. Sjúkratryggðir almennt, kr. 2.000.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 750.
3. Börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna, kr. 500.

Með vitjun samkvæmt þessari grein er átt við þjónustu læknis utan heilsugæslustöðvar. Hafi læknir sjálfur valið að sinna vitjun utan dagvinnutíma skal greiða vitjanagjald dagvinnutíma skv. 1. mgr.

Heimilt er að ákveða að ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna, greiði sama vitjanagjald og aðrir, en fái mismuninn endurgreiddan gegnum sjúkratryggingar, gegn framvísun kvittunar læknis.

Í vitjanagjaldi eru innifaldar kr. 100 vegna óhjákvæmilegs ferðakostnaðar læknis.

Vitjanagjald greiðist lækni og dregst frá samningsbundinni þóknun hans fyrir vitjanir.

#### 7. gr.

#### *Gjöld fyrir aðra þjónustu.*

Sjúkratryggðir skulu greiða fyrir bólusetningar (hvern skammt) á heilsugæslustöð sem hér segir:

1. Blóðmúraheilabólga, kr. 3.400.
2. Heilahimnubólga (meningococca)
  - a. fjölvirkt fjölsykrubóluefni, kr. 3.500.
  - b. prótínbóluefni gegn stofni C (18 ára og eldri), kr. 3.200.
3. Hettusótt, kr. 4.700.
4. Hlaupabóla, kr. 6.100.
5. Hundaeði, kr. 6.500.
6. Inflúensa, kr. 600.
7. Japönsk heilabólga, kr. 2.900.
8. Kólera (bóluefni til inntöku), kr. 2.100.
9. Lifrabólga A 720 ein/ml, kr. 2.700.
10. Lifrabólga A 1400 ein/ml, kr. 4.100.
11. Lifrabólga B, kr. 2.700.
12. Lifrabólga B fyrir börn, kr. 2.100.
13. Lifrabólga A og B, kr. 5.300.
14. Lifrabólga A og B fyrir börn, kr. 3.800.
15. Lungnabólga, kr. 1.500.
16. Mislingar, kr. 1.500.
17. Stífkrampi og barnaveiki fyrir fullorðna, kr. 700.
18. Taugaveiki, kr. 2.300.

Gjöld skv. 1. mgr. skulu greiðast til viðbótar við komugjöld skv. 4. og 5. gr. Gjöldin skulu einnig greidd í heimahjúkrun. Ekkert gjald er greitt fyrir ungbarnavernd og heilsugæslu í skólum, sbr. 2. mgr. 4. gr. Þá er ekki greitt gjald fyrir bólusetningar við stífkrampa, mænu-sótt, rauðum hundum og MMR (mislingar+hettusótt+rauðir hundar).

Auk komugjalda skv. 4. og 5. gr. skulu sjúkratryggðir greiða gjald fyrir aðra þjónustu en greinir í 1. mgr. sem hér segir:

1. Þungunarpróf, kr. 400.
2. Streptokokkarannsóknir, kr. 500.
3. Lyfjaleit í þvagi, kr. 1.600.
4. Lykkja (t), kr. 2.000.
5. Hormónalykkja, kr. 14.300.
6. Foreldrafræðsla, kvöldnámskeið, kr. 6.000.

Gjöld samkvæmt þessari grein renna til reksturs heilsugæslustöðvar.

#### 8. gr.

##### *Gjöld vegna krabbameinsleitar.*

Vegna krabbameinsleitar á heilsugæslustöðvum og hjá heimilislæknum (legstrok og mynd af brjóstum) skal sjúkratryggður greiða kr. 2.200 fyrir hverja komu.

Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs og ellilífeyrisþegar 60-70 ára sem njóta óskerts ellilífeyris greiða kr. 550.

Gjöld samkvæmt þessari grein renna til Krabbameinsfélags Íslands vegna úrlesturs frumusýna, röntgenmynda og leitarstarfs.

### III. KAFLI

#### **Sjúkrahús.**

#### 9. gr.

##### *Komugjöld.*

Fyrir komu og endurkomu á slysadeild og bráðamóttöku sjúkrahúsa skal sjúkratryggður greiða sem hér segir:

1. Sjúkratryggðir almennt, kr. 3.170.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 1.260.
3. Börn með umönnunarkort samkvæmt reglugerð nr. 540/1997 um fjárhagslega aðstoð við framfærendur fatlaðra og langveikra barna, kr. 400.

Fyrir komu og endurkomu á göngudeild sjúkrahúsa vegna þjónustu annarra en lækna skal sjúkratryggður greiða sem hér segir:

1. Sjúkratryggðir almennt, kr. 1.392.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 696.
3. Börn með umönnunarkort samkvæmt reglugerð nr. 540/1997 um fjárhagslega aðstoð við framfærendur fatlaðra og langveikra barna, kr. 400.

Fyrir sjúkra- og talþjálfun á sjúkrahúsum skal þrátt fyrir 2. mgr. þó aldrei greiða hærra eða lægra gjald en kveðið er á um í gildandi samningum samninganefndar heilbrigðis- og tryggingamálaráðherra við Félag sjálfstætt starfandi sjúkraþjálfara og Félag talkennara og talmeinafræðinga. Gjöld fyrir sjúkra- og talþjálfun á sjúkrahúsum veita rétt til þjálfunarkorts frá Tryggingastofnun ríkisins.

Aldraðir sem þjónustu dagvistar njóta í tengslum við sjúkrahús skulu taka þátt í kostnaði af dagvistinni skv. 19. gr. laga nr. 125/1999 um málefni aldraðra og 4. gr. reglugerðar nr. 45/1990 um dagvist aldraðra.

Sjúkratryggðir skulu greiða gjöld fyrir meðferð húðsjúkdóma veitta á sjúkrahúsi af öðrum en læknum í samræmi við reglugerð nr. 660/1998 um greiðslur Tryggingastofnunar ríkisins fyrir meðferð húðsjúkdóma veitta af öðrum en læknum, með síðari breytingu.

Gjöld fyrir þjónustu skv. VI. kafla greiðast til viðbótar við komugjöld skv. 1. mgr., þó skulu komugjald og gjöld skv. VI. kafla takmarkast við það hámarksgjald sjúkratryggðs sem tilgreint er í VI. kafla.

Gjöld samkvæmt þessari grein skulu renna til reksturs sjúkrahúss.

#### 10. gr.

##### *Gjöld vegna meðferðar og rannsókna við ófrjósemi.*

Fyrir meðferð á tæknifrjóvgunardeild Landspítala-háskólasjúkrahúss skal sjúkratryggður greiða sem hér segir:

	Glasafrjóvgun (IVF)	Smásjárfrjóvgun (ICSI)
1. Par sem ekki á barn saman:		
a. fyrsta meðferð	kr. 137.000	kr. 164.000
b. önnur til fjórða meðferð	kr. 77.000	kr. 93.000
c. fimmta meðferð eða fleiri	kr. 256.000	kr. 307.000
2. Par sem á eitt barn saman:		
a. fyrsta til fjórða meðferð	kr. 202.000	kr. 243.000
b. fimmta meðferð eða fleiri	kr. 256.000	kr. 307.000
3. Par sem á fleiri börn saman:	kr. 256.000	kr. 307.000

Inni í þessari greiðslu felst kostnaður vegna nauðsynlegra rannsókna, heimsókna til sérfræðinga á tæknifrjóvgunardeildinni og lyfja, annarra en örvunarlyfja eggjastokka, en um greiðslu þeirra fer samkvæmt reglugerð um greiðslur almannatrygginga í lyfjakostnaði.

Greiðslur skulu skiptast þannig að í upphafi hverrar meðferðar skal greitt 20% af áætluðu heildargjaldi. Eftirstöðvar gjalds skal greiða þegar ákveðið hefur verið að framkvæma eggheimtu.

4. Uppsetning frystra fósturvísa, kr. 42.000.

5. Geymsla frystra fósturvísa kr. 11.000 fyrir hvert byrjað geymsluár. Frysting fósturvísa er að öðru leyti innifalin í meðferðargjaldi.

6. Tæknisæðing, aðeins ef uppsetning er framkvæmd, kr. 21.000.

Fyrir aðrar rannsóknir á tæknifrjóvgunardeild sem ekki tengjast tæknifrjóvgunarmeðferð skulu greiðslur fara skv. V. og VI. kafla.

Gjöld samkvæmt þessari grein skulu renna til reksturs sjúkrahúss.

#### 11. gr.

##### *Gjald fyrir endurtengingu eggjaleiðara eftir ófrjósemisaðgerð.*

Fyrir endurtengingu eggjaleiðara eftir ófrjósemisaðgerð skal sjúkratryggður greiða kr. 142.000.

Gjald samkvæmt þessari grein rennur til reksturs sjúkrahúss.

### IV. KAFLI

#### **Sameiginleg ákvæði fyrir þjónustu í heilsugæslu og á sjúkrahúsum.**

#### 12. gr.

##### *Gjöld fyrir læknisvottorð í heilsugæslu og á sjúkrahúsum.*

Fyrir læknisvottorð á eyðublöðum Tryggingastofnunar ríkisins vegna almannatrygginga eða bóta félagslegrar aðstoðar skulu sjúkratryggðir greiða sem hér segir:

1. Ekkert gjald fyrir örorkuvottorð vegna lífeyristrygginga (A og B), örorkuvottorð vegna

- slysatrygginga (A), vottorð vegna fjárhagslegrar aðstoðar við fötluð og sjúk börn eða vottorð vegna endurhæfingarlífeyris.
2. Fyrir framhaldsvottorð vegna slysatrygginga, kr. 350.
  3. Fyrir læknisvottorð vegna slysatrygginga (áverkavottorð), vegna beiðni um þjálfun, vegna öflunar hjálpartækja, vegna lengingar fæðingarorlofs, vegna hreyfihömlunar (uppbót vegna reksturs bifreiðar), vegna heimahjúkrunar, vegna umsóknar um lyfjaskírteini, vegna vistunar sjúklings erlendis (siglinganefnd), sjúkradagpeningavottorð eða skýrslu vegna ferðakostnaðar innanlands, kr. 700.
  4. Fyrir læknisvottorð vegna umsóknar um styrk og uppbót til kaupa á bifreið fyrir fatlaða, kr. 800.

Fyrir önnur læknisvottorð en tilgreind eru í 1. mgr. skal innheimta gjöld sem hér segir:

1. Fyrir vottorð um fjarvistir nemenda úr skólum, kr. 350.
2. Fyrir vottorð vegna sjúkranudds, kr. 700.
3. Fyrir vottorð um fjarvistir til atvinnurekenda, ónæmisaðgerðir og alþjóðaónæmisskírteini, heilsufar nemenda til skóla, leikskóla og sumarbúða, undanþágu til bílbeltanotkunar, vegna veitingar ökuleyfis, dagmóðurstarfa og endurgreiðslu ferðakostnaðar, svo sem ferðarofs, og til skattyfirvalda, kr. 1.200.
4. Fyrir vottorð vegna bóta úr slysa- og sjúkrasjóðum, umsókna um örorkubætur til lífeyrissjóða, andláts (dánarvottorð), fóstureyðingar og ófrjósemisaðgerðar, kr. 1.700.
5. Fyrir vottorð vegna byssuleyfis, skóla erlendis, og um heilsufar eða vinnufærni vegna umhverfis eða atvinnu, þ.m.t. vegna atvinnuréttinda, kr. 3.000.
6. Fyrir vottorð til lögmanna og tryggingafélaga vegna sjúkdóma eða slysa, tryggingafélaga vegna líftrygginga eða umsókna um örorkubætur, lögreglu, sýslumanna, vegna dvalar- og/eða atvinnuleyfa hér á landi og dvalar eða starfa erlendis skal miða við hversu langan tíma það tekur lækni að gera vottorðið og skal greiða kr. 2.500 fyrir hverjar byrjaðar 20 mínútur.

Gjöld fyrir vottorð samkvæmt þessari grein skulu renna til stofnunar.

## V. KAFLI

### Sameiginleg ákvæði fyrir þjónustu utan sjúkrahúsa og á göngudeildum sjúkrahúsa.

13. gr.

#### *Gjöld fyrir sérfræðilæknishjálp.*

Fyrir hverja komu til sérfræðilæknis utan sjúkrahúsa og á göngudeild sjúkrahúsa, sbr. þó 10. og 11. gr., skulu sjúkratryggðir greiða sem hér segir, sbr. þó 16. gr.:

1. Sjúkratryggðir almennt, fyrstu kr. 2.100 og til viðbótar 40% af umsömdu eða ákveðnu heildarverði við komuna sem umfram er þó að hámarki kr. 18.000.  
Fyrir komu til sérfræðings í augnlækningum til sjónmælingar vegna gleraugna greiða sjúkratryggðir almennt á aldrinum 18 - 70 ára fullt verð samkvæmt gjaldskrá sérfræðinga við Tryggingastofnun ríkisins sbr. þó 2. og 3. tölul. 1. mgr.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára kr. 700 og til viðbótar 1/3 af 40% af umsömdu eða ákveðnu heildarverði við komuna sem umfram er þó að hámarki kr. 18.000.
3. Börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna 1/9 af gjaldi samkvæmt 1. tölul. 1. mgr. þó að lágmarki kr. 350 og að hámarki kr. 18.000.

Sjúkratryggðir almennt skulu greiða kr. 5.100 fyrir keiluskurðaðgerðir. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára skulu greiða kr. 1.700 fyrir keiluskurðaðgerðir.

Við komu skv. 1. tölul. 1. mgr. þar sem svæfingalæknir svæfir eða deyfir við aðgerð skurðlæknis skal sjúkratryggður greiða að hámarki kr. 18.000 í heild.

Þegar reikningur er gerður til Tryggingastofnunar ríkisins fyrir sérfræðilæknishjálpi skal draga greiðslu sjúkratryggðra frá umsömdu heildarverði. Ekki er gerður reikningur til Tryggingastofnunar ríkisins vegna sérfræðilæknisþjónustu (ferliverk) sem veitt er á sjúkrahúsum.

Með umsömdu og ákveðnu heildarverði, sbr. 1. og 2. tölul. 1. mgr., er átt við það gjald sem samið hefur verið um í samningum heilbrigðis- og tryggingamálaráðherra við sérfræðilækna skv. 39. gr. laga nr. 117/1993 um almannatryggingar. Innifalið í greiðslu sjúkratryggðra er kostnaður vegna hvers kyns einnota áhalda, umbúða og þess háttar.

Gjöld vegna þjónustu á göngudeild sjúkrahúsa skulu renna til reksturs sjúkrahússins.

## VI. KAFLI

### Sameiginleg ákvæði fyrir þjónustu í heilsugæslu, á sjúkrahúsum og utan sjúkrahúsa.

14. gr.

*Gjöld fyrir rannsóknir, geisla- og myndgreiningar og beinþéttmælingar.*

Fyrir hverja komu til rannsóknar á rannsóknastofu og vegna rannsóknar á sýni sem sent er til rannsóknar í rannsóknastofu, sbr. þó 10. og 11. gr., skulu sjúkratryggðir greiða sem hér segir, sbr. þó 16. gr.:

1. Sjúkratryggðir almennt, kr. 1.000.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 300.
3. Börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna, kr. 100.

Fyrir hverja komu til geisla- og myndgreiningar og beinþéttmælingar skulu sjúkratryggðir greiða sem hér segir, sbr. þó 16. gr.:

1. Sjúkratryggðir almennt, 1.500 kr. og til viðbótar 40% af umsömdu eða ákveðnu heildarverði við komuna sem umfram er þó að hámarki kr. 18.000.
2. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 500 og til viðbótar 1/3 af 40% af umsömdu eða ákveðnu heildarverði við komuna sem umfram er þó að hámarki kr. 18.000.
3. Börn með umönnunarkort samkvæmt reglugerð nr. 504/1997 um fjárhagslega aðstoð við framfærendur fatlaðra og langveikra barna 1/9 af gjaldi samkvæmt 1. tölul. 2. mgr. þó að lágmarki kr. 200 og að hámarki kr. 18.000.

Sjúkratryggðir almennt skulu greiða kr. 5.100 fyrir kransæða- og hjartaþræðingu. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára skulu greiða kr. 1.700 fyrir kransæða- og hjartaþræðingu.

Þegar reikningur er gerður til Tryggingastofnunar ríkisins fyrir geisla- og myndgreiningu skal draga greiðslu sjúkratryggðra frá umsömdu heildarverði. Ekki er gerður reikningur til Tryggingastofnunar ríkisins vegna geisla- og myndgreininga og beinþéttmælinga sem gerðar eru í heilsugæslu og á sjúkrahúsum.

Með umsömdu og ákveðnu heildarverði, sbr. 1. og 2. tölul. 2. mgr., er átt við það gjald sem samið hefur verið um í samningum heilbrigðis- og tryggingamálaráðherra við sérfræðilækna skv. 39. gr. laga nr. 117/1993 um almannatryggingar eða verð sem tilgreint er í fylgiskjali I með þessari reglugerð. Innifalið í greiðslu sjúkratryggðra er kostnaður vegna hvers kyns einnota áhaldna, umbúða og þess háttar.

Gjöld vegna þjónustu á heilsugæslustöð og á sjúkrahúsum skulu renna til reksturs stofnanna.

## VII. KAFLI Afsláttarskírteini.

### 15. gr.

#### *Réttur til afsláttarskírteinis.*

Þegar sjúkratryggður einstaklingur á aldrinum 18 - 70 ára hefur greitt kr. 18.000 á sama almanaksári vegna heimsóknna á heilsugæslustöð eða til heimilislæknis, vitjana lækna, koma á slysadeild og bráðamóttöku sjúkrahúsa, koma til sérfræðilækna utan sjúkrahúsa og til sérfræðilækna á göngudeild sjúkrahúsa, rannsóknna á rannsóknastofum, geisla- og myndgreininga og beinþéttnimælinga skal hann eiga rétt á afsláttarskírteini.

Börn undir 18 ára aldri með sama fjölskyldunúmer samkvæmt skilgreiningu Hagstofu Íslands skulu teljast einn einstaklingur. Þegar greiddar hafa verið á sama almanaksári kr. 6.000 vegna heimsóknna barna undir 18 ára aldri í sömu fjölskyldu á heilsugæslustöð eða til heimilislæknis, vitjana lækna, heimsóknna á slysadeild og bráðamóttöku sjúkrahúsa, koma til sérfræðilækna utan sjúkrahúsa og til sérfræðilækna á göngudeild sjúkrahúsa, rannsóknna á rannsóknastofum, geisla- og myndgreininga og beinþéttnimælinga, eiga forsjármenn barnanna rétt á afsláttarskírteini vegna þeirra.

Þegar ellilífeyrisþegar 70 ára og eldri, örorkulífeyrisþegar og ellilífeyrisþegar 67-70 ára sem nutu örorkulífeyris fram til 67 ára aldurs og ellilífeyrisþegar 60-70 ára sem njóta óskerts ellilífeyris, hafa greitt kr. 4.500 á sama almanaksári vegna heimsóknna á heilsugæslustöð eða til heimilislæknis, vitjana lækna, heimsóknna á slysadeild og bráðamóttöku sjúkrahúsa, koma til sérfræðilækna utan sjúkrahúsa og til sérfræðilækna á göngudeild sjúkrahúsa, rannsóknna á rannsóknastofu, geisla- og myndgreininga og beinþéttnimælinga, skulu þeir eiga rétt á afsláttarskírteini.

Greiðslur samkvæmt 7. gr., 8. gr., 2., 4. og 5. mgr. 9. gr., 10. gr., 11. gr., 12. gr. og 18. gr. veita ekki rétt til afsláttarskírteinis samkvæmt þessari grein.

### 16. gr.

#### *Gjöld þeirra sem eru með afsláttarskírteini.*

Gegn framvísun kvittana fyrir greiðslur skv. 4.-6. gr., 1. mgr. 9. gr., 13. og 14. gr. skal Tryggingastofnun ríkisins afhenda sjúkratryggðum afsláttarskírteini skv. 15. gr., sem lækkar greiðslu vegna heilbrigðisþjónustu út almanaksárið. Kvittanir skulu auk nafns útgefanda bera með sér tegund þjónustu, fjárhæð, greiðsludag, nafn og kennitölu hins sjúkratryggða.

Hafi sjúkratryggður fengið afsláttarskírteini samkvæmt þessari grein skal hann greiða sem hér segir fyrir heilbrigðisþjónustu það sem eftir er almanaksársins:

1. Fyrir komu á heilsugæslustöð eða til heimilislæknis skv. 4. gr. á dagvinnutíma:
  - a. Sjúkratryggðir almennt, kr. 250.
  - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris, og börn yngri en 18 ára, kr. 150.
2. Fyrir komu á heilsugæslustöð eða til heimilislæknis skv. 5. gr. utan dagvinnutíma:
  - a. Sjúkratryggðir almennt, kr. 900.

- b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris, og börn yngri en 18 ára, kr. 400.
  3. Fyrir vitjun læknis skv. 1. mgr. 6. gr. á dagvinnutíma:
    - a. Sjúkratryggðir almennt, kr. 900.
    - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 400.
  4. Fyrir vitjun læknis skv. 2. mgr. 6. gr. utan dagvinnutíma:
    - a. Sjúkratryggðir almennt, kr. 1.300.
    - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 500.
  5. Fyrir komu á slysadeild og bráðamóttöku sjúkrahúsa skv. 1. mgr. 9. gr.:
    - a. Sjúkratryggðir almennt, kr. 1.260.
    - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 400.
  6. Fyrir komu til sérfræðilæknis utan sjúkrahúsa og til sérfræðilæknis á göngudeild sjúkrahúsa skv. 13. gr.:
    - a. Sjúkratryggðir, kr. 700 + 1/3 af 40% af umsömdu eða ákveðnu heildarverði við komuna sem umfram er þó að hámarki kr. 18.000. Fyrir keiluskurðaðgerð skal greiða að hámarki kr. 1.700.
    - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára 1/9 af gjaldi samkvæmt 1. tölul. 1. mgr. 13. gr. þó að lágmarki kr. 350 og að hámarki kr. 18.000. Fyrir keiluskurðaðgerð skal greiða að hámarki kr. 567.
  7. Fyrir rannsóknir skv. 1. mgr. 14. gr.:
    - a. Sjúkratryggðir almennt, kr. 400.
    - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára, kr. 100.
  8. Fyrir geisla- og myndgreiningu og beinþéttmælingu skv. 2. mgr. 14. gr.:
    - a. Sjúkratryggðir almennt, kr. 500 og til viðbótar 1/3 af 40% af umsömdu eða ákveðnu heildarverði við komuna sem umfram er þó að hámarki kr. 18.000. Fyrir kransæða- og hjartaþræðingu skal greiða að hámarki kr. 1.700.
    - b. Ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs, ellilífeyrisþegar 60-70 ára sem njóta óskerts ellilífeyris og börn yngri en 18 ára 1/9 af gjaldi skv. 1. tölul. 2. mgr. 14. gr. þó að lágmarki kr. 200 og að hámarki kr. 18.000. Fyrir kransæða- og hjartaþræðingu skal greiða að hámarki kr. 567.
- Við komu skv. 6. tölul. 2. mgr. þar sem svæfingalæknir svæfir eða deyfir við aðgerð skurðlæknis skal sjúkratryggður greiða að hámarki kr. 18.000 í heild.
- Heimilt er að ákveða að afsláttarskírteinishafar greiði sama vitjanagjald og aðrir en fá síðan mismuninn endurgreiddan gegnum sjúkratryggingar, gegn framvísun kvittunar læknis. Gjöld sem greidd eru á heilsugæslustöð og sjúkrahúsi renna til reksturs stofnananna. Vitjanagjald dregst frá samningsbundinni þóknun læknis fyrir vitjanir, sbr. og 6. gr.

VIII. KAFLI  
 Ýmis ákvæði.

17. gr.

*Sérreglur fyrir atvinnulausa.*

Einstaklingur sem verið hefur samfelld atvinnulaus í sex mánuði eða lengur samkvæmt staðfestingu Vinnumálastofnunar á rétt á heilbrigðisþjónustu á sömu kjörum og ellilífeyrisþegar 70 ára og eldri, örorkulífeyrisþegar, ellilífeyrisþegar 67-70 ára sem nutu örorkulífeyris fram til 67 ára aldurs og ellilífeyrisþegar 60-70 ára sem njóta óskerts ellilífeyris. Staðfestingu Vinnumálastofnunar skal endurnýja á þriggja mánaða fresti. Réttur til afsláttarskírteinis fer samkvæmt 1. mgr. 15. gr.

18. gr.

*Gjald fyrir sjúkraflutninga.*

Hámarksfjárhæð sem sjúkratryggður skal greiða fyrir sjúkraflutninga á sjúkrahús og frá sjúkrahúsi skv. h-lið 1. mgr. 36. gr. laga nr. 117/1993 um almannatryggingar, með síðari breytingum, er kr. 3.300.

19. gr.

*Gildistaka.*

Reglugerð þessi, sem sett er með heimild í 36. gr. laga nr. 117/1993 um almannatryggingar, með síðari breytingum, 20. gr. og 35. gr. a. laga nr. 97/1990 um heilbrigðisþjónustu, með síðari breytingum, öðlast gildi 1. júní 2003. Frá sama tíma fellur úr gildi reglugerð nr. 218/2002 um hlutdeild sjúkratryggðra í kostnaði vegna heilbrigðisþjónustu, með síðari breytingum.

*Heilbrigðis- og tryggingamálaráðuneytinu, 25. apríl 2003.*

**Jón Kristjánsson.**

*Davíð Á. Gunnarsson.*

**Fylgiskjal I.**

Ákveðið heildarverð fyrir geisla- og myndgreiningar til viðmiðunar við útreikning á greiðsluhluta sjúklings fyrir komu á heilsugæslustöð og sjúkrahús þar sem ekki er um innlögn að ræða, sbr. 2. og 5. mgr. 14. gr. reglugerðar þessarar.

Flokkar	Einingar	Verð (144,5 kr./ein.)	Flokkar	Einingar	Verð (144,5 kr./ein.)
1. flokkur	21	3.035	9. flokkur	140	20.230
2. flokkur	28	4.046	10. flokkur	150	21.675
3. flokkur	45	6.503	11. flokkur	200	28.900
4. flokkur	70	10.115	12. flokkur	210	30.345
5. flokkur	90	13.005	13. flokkur	510	73.695
6. flokkur	100	14.450	14. flokkur	1100	158.950
7. flokkur	115	16.618	15. flokkur	1580	228.310
8. flokkur	120	17.340			

- Einungis er gjaldfært fyrir einn flokk í hverri komu í flokkum 13 - 15 og er þá miðað við hæsta verðflokk þess sem gert er.
- Gjaldfært er sérstaklega fyrir hjartagangráða, stent og regnhlífur, a.ö.l. eru einnota vörur innifaldar í verðskrá.
- Við ómskoðun gildir einu hve mörg líffæri innan flokksins eru skoðuð, hámarksgreiðsla fyrir sjúklinga komu eru tveir flokkar.  
Ef rannsókn er í VIII. flokki er það hámarksgreiðsla fyrir ómun.

Númer	Heiti rannsóknar	Einingar	Númer	Heiti rannsóknar	Einingar
	<b>1. flokkur</b>				
301-00	Epipharynx	21	499-00	Aðrar aðgerðir ótaldar	45
304-00	Mjúkpartar á hálsi / barki / skjaldkirtill	21	511-00	Retrograd pyelografia	45
401-00	Munnvatnskirtlar	21	512-00	Antegrad pyelografia	45
600-09	Rannsókn á sýni	21	540-00	Grindarmál	45
601-00	Cranium	21	599-00	Aðrar aðgerðir ótaldar	45
602-00	Sinuser	21	600-36	Fistulografia	45
603-00	Andlitsbein/nefbein	21	607-00	Dakrocystografia	45
608-00	Neðri kjálki/kjálkaliðir	21	656-00	Ákvörðun beinaldurs	45
609-00	Kjálkaliðir (bitrannsókn)	21	699-00	Aðrar aðgerðir ótaldar	45
620-00	Sternum	21	3-I	91x-00	Ómun höfuð og heili
621-00	Hálsliðir	21	3-I	912-07	Ómun heili - mobil
622-00	Brjóstliðir	21	3-I	912-11	Ómun heili á skurðstofu
623-00	Lendarliðir	21	3-II	92x-00	Ómun hjarta og brjósthol
624-00	Rif	21	3-III	93x-00	Ómun háls og brjósthol
625-00	Sternoclavicularliðir	21	3-IV	94x-00	Ómun kviðarhol og kviðarholslíf-færi
626-00	Mjaðmagrind	21	3-IV	94x-07	Ómun kviðarhol og kviðarholslíf-færi - mobil
627-00	Sacroiliacaliðir	21	3-IV	94x-11	Ómun kviðarhol og kviðarholslíf-færi á skurðstofu
628-00	Spjaldbein/rófubein	21	3-V	95x-00	Ómun þvafæri, eistu og nýrna-hettur
631-00	Axlarl./viðbein/herðablað	21	3-V	95x-07	Ómun þvafæri - mobil
632-00	Sérmynd af acromion, Bigliani	21	3-V	95x-11	Ómun þvafæri á skurðstofu
633-00	Upphandleggur	21	3-VI	960-00	Ómun bein- liðir-liðþófar
634-00	Olnbogi	21	3-VI	961-00	Ómun mjúkparta á útlimum
636-00	Framhandleggur	21	3-VI	962-00	Ómun bláæða á útlimum m.t.t. blóðsega (DVT)
637-00	Únliður	21	3-VI	963-00	Ómun mamme
638-00	Hönd/fingur	21	3-VI	964-00	Ómun mjúkpartar aðrir
639-00	Mjaðmarliðir	21	3-VII	97x-00	Ómun: leg, eggjaleiðarar, eggja-stokkar og fóstur
641-00	Lærleggur	21		<b>4. flokkur</b>	
642-00	Hnéliður	21	320-10	Lungu - skyggnaðstoð	70
645-00	Fótleggur	21	420-00	Magi	70
646-00	Ökkli	21	430-00	Mjógimi	70
648-00	Fótur/hæll/tær	21	450-00	Gallvegir um dren (cholangio-grafia)	70
	<b>2. flokkur</b>		453-00	Gallvegir í aðgerð	70
320-00	Lungu	28	460-10	Kviðarhol, skygning	70
320-09	Lungu/ rekkjumynd á röntgen-deild	28	501-10	Þvafæri, skygning	70
460-00	Kviðarhol, yfirlit	28	586-00	Cavernografia	70
501-00	Þvafærayfirlit	28	589-00	Bláæðarannsókn, aðrar æðar ótaldar	70
6xx-32	Bein og liðir - álagsrannsóknir, liggjandi eða standandi	28	6xx-35	Skuggaefnisrannsókn á liðum – arthrografia	70
6xx-33	Bein og liðir - hornamæling	28	600-10	Skygning	70
611-00	Orthopantomografia	28	600-38	Rannsókn á líki	70
617-00	Leguákvörðun aðskotahluts í auga	28	800-77	Plönun / eftirhleðslu	70
626-10	Mjaðmagrind-skyggnaðstoð	28	8xx-00	TS-rannsókn án skuggaefnis-gjafar	70
626-11	Mjaðmagrind rannsókn á skurðst.	28	821-04	TS-háls hryggur með skuggaefni í mænugang (myelogr.)	70
629-00	Hryggскеkkjurannsókn	28	822-04	TS-brjóst hryggur m/skuggaefni í mænugang (myelogr.)	70
655-00	Lengdarákvörðun/ hornamæling á útlimum	28	823-04	TS-lend hryggur með skuggaefni í mænugangi (myelogr.)	70
	<b>3. flokkur</b>				
199-00	Aðrar aðgerðir ótaldar	45			
302-00	Talmeinafræðileg rannsókn	45			
320-07	Lungu/ rekkjumynd utan röntgen-deildar	45			
399-00	Aðrar aðgerðir ótaldar	45			
443-00	Anal fistulografia	45			

Númer	Heiti rannsóknar	Einingar	Númer	Heiti rannsóknar	Einingar
3-VIII 9xx-01	Ómun m/skuggaefni	70	736-00	Lungnaskönnun, loftfylling (ventilation)	115
8xx-01	<b>5. flokkur</b> TS-rannsókn með skuggaefnisgjöf	90	740-00	Ísótóparannsókn munnvatns-kirtlar	115
869-33	Tölvusneið-mjaðmargrind+hornamæling	90	750-00	Nýrnabarkarskann (DMSA)	115
870-33	TS-fótleggur+hornamæling	90	755-00	Ísótóparannsókn skjaldkirtill	115
895-00	TS-dental einföld vegna titanium implantationar	90	763-00	Thrombosugreining (ísótópa-flebografia)	115
3-VIII 9xx-60	Æðaómskoðun án skuggaefnisgjafar/flæðisrannsóknir	90	766-00	Eistnaskann	115
402-00	<b>6. flokkur</b> Sialografía	100	773-00	Gallrennsli (HIDA-skönnun)	115
410-00	Vélinda	100	779-00	Táragangaskönnun	115
431-00	Mjógirni-tvíkontrast (sondu-passage)	100	783-00	Æviskeið rauðra blóðkorna (red cell survival, RCS)	115
440-00	Ristill	100	784-00	Ísótóparannsókn lifur/milta	115
441-00	Ristill-tvíkontrast	100	784-03	Ísótóparannsókn lifur/milta-SPECT	115
442-00	Defecografia	100	787-00	Bakflæði magi-vélinda (mjólkur-skann, salivagram)	115
449-00	Herniografia	100	788-00	Magatæming - vökvi	115
510-00	Þvagfærarannsókn með skuggaefni, urografia	100	789-00	Magatæming - föst fæða	115
530-00	Urethrocystografia	100	791-00	Meltingarfærablæðingarskann með sulfúr colloid	115
531-00	Mictionsurethrocystografia	100	792-00	Meckelscann	115
533-00	Vesiculografia	100	793-00	Bakflæði þvagblaðra-þvagleiðari (ísótópa-MUCG)	115
534-00	Rannsókn á Brickersblöðru (loopografia)	100	3-VIII 9xx-05	Ómstýrð ástunga/sýnistaka	115
560-00	Hysterosalpingografia	100	<b>8. flokkur</b>		
686-00	Ganglimsþlebografia	100	8xx-02	Tölvusneiðmyndarannsókn án og með skuggaefni/ fjölfasa	120
	<b>7. flokkur</b>		896-00	TS-dental tvöföld vegna titanium implantationar	120
131-00	Lumbal myelografia	115	3-VIII 9xx-61	Æðaómskoðun með skuggaefnisgjöf/flæðisrannsókn	120
132-00	Thoracal / Cervical / Total myelografia	115	<b>9. flokkur</b>		
304-05	Mjúkpartar á hálsi - ástunga/sýnistaka	115	320-06	Lungu - ástunga/dren	140
320-05	Lungu - ástunga/sýnistaka	115	460-06	Kviðarhol - ástunga/dren	140
350-00	Bronchografia	115	6xx-06	Ástunga/dren	140
450-50	Gallvegir, skipt um slöngu	115	721-00	Nýru, Króm-EDTA-clearance (51-Cr)	140
460-05	Kviðarhol - ástunga/sýnistaka	115	741-00	Hjartavöðvablóðfæði í hvíld (Cardiolite, Myoview)	140
463-00	Ductografia choled. (ERC)	115	743-00	Ísótóparannsókn myocardium	140
464-00	Ductografia pancreas (ERP)	115	762-00	Blóðrúmmál (rauð blóðkorn, 51-Cr)	140
590-50	Skipt um nefrostomiuslöngu	115	778-00	Beinaskönnun, þrífasa	140
685-00	Bláæðarannsókn á handlegg	115	3-VIII 9xx-06	Ómstýrð ástunga/dren	140
688-00	Lymfografia	115	<b>10. flokkur</b>		
6xx-05	Ástunga/sýnistaka	115	711-00	Ofstarfsemi skjaldkirtils, meðferð með 131-I	150
715-00	Nýrnabarkar og safnkerfis-skann (gluco eða DTPA/DMSA)	115	785-00	Schillingspróf I	150
720-00	Nýru, Renografia-MAG3 eða DTPA	115	786-00	Schillingspróf II	150
725-00	Heilaskönnun með DTPA (blood-brain-barrier)	115	Mxx-00	Segulómranannsóknir án skuggaefnisgjafar	150
734-00	Ísótóparannsókn beinayfirlit	115	Mxx-60	Segulómun - æðaskoðun án skuggaefnisgjafar	150
734-03	Ísótóparannsókn beinayfirlit-SPECT	115			
735-00	Lungnaskönnun, blóðflæði (perfusion)	115			

Númer	Heiti rannsóknar	Einingar	Númer	Heiti rannsóknar	Einingar
<b>11. flokkur</b>			<b>13. flokkur</b>		
Mxx-01	Segulómrannsóknir án og með skuggaefnisgjöf	200	170-00	Carotis angiografia	510
Mxx-61	Segulómun - æðaskoðun með skuggaefnisgjöf	200	171-00	Carotis interna angiografia	510
<b>12. flokkur</b>			172-00	Sérþræðing á carotis externa ang.	510
704-00	Shuntfunction (ventriculo peritoneal eða önnur)	210	173-00	Arteriografia aa. vertebr.	510
709-00	Skjaldkirtilsskönnun og upp-tökumæling 131-I	210	174-00	Aorta-cervical angiografia	510
710-00	Skjaldkirtilskrabbamein, meðferð með 131-I	210	175-00	Superselectiv angiografia	510
718-00	Ísotóp-lifur og lifrablóðflæði	210	176-00	Spinal angiografia	510
726-00	Mænuvökvarennsli (cisternografia, intrathecal skann)	210	180-00	Orbital flebografia	510
728-00	Mænuvökvaleki	210	181-00	Jugularis flebografia	510
737-00	Hjartavirkni (MUGA)	210	182-00	Spinal flebografia	510
742-00	Hjartavöðvablóðflæði m. álagi (Cardiolite, Myoview)	210	195-00	Deyfing á ganglion semilunare (Gasseri)	510
744-00	Ísotóparannsókn liðir	210	372-00	Thoracal aortografia	510
745-00	Liðbólga, meðferð með 90-Y	210	376-00	Æðarannsókn hálslíffæra (t.d. skjaldkirtils)	510
747-00	Bris	210	377-00	Þræðing á bronchial æðum	510
748-00	MIBG (pheochromocytoma o.fl.)	210	382-00	Skuggaefnisinndæling í lungna-slagæð	510
754-00	Ísotóparannsókn heila með Ceretec	210	383-00	Thoracal cavografia	510
756-00	Kalkkirtlaskönnun (parathyreoidea)	210	395-00	Non-invasiv raflíffæðisfræðileg rannsókn	510
757-00	Nýrnahettuskönnun (75-Se-norcholesterol)	210	410-40	Vélinda-útvíkkun	510
761-00	Ísotóparannsókn beinmargur	210	440-40	Ristill-útvíkkun	510
765-00	Lymfueitlar	210	470-00	Kviðarholsæðar-inndæling í aorta	510
767-00	Æxlisskann með gallium eða jóð 131	210	471-00	Kviðarholsæðar, sérþræðing	510
768-00	Nýrnaskann með lasix eða captopril	210	480-00	Cavografia inf.með v.iliaca	510
774-00	Gallrennsli (HIDA-skönnun) m. CCK eða fitumáltíð	210	498-00	Víkkun þrængsla í vélinda	510
775-00	Frásog á gallskýru í þörmum (SeHCAT, 75-Se)	210	570-00	Æðarannsókn á æðum í mjaðmagrind	510
776-00	Beinaskönnun, þrífasa + tvífasa (liðir)	210	571-00	Sérþr. í æðar grindarholslíffæra	510
777-00	Beinaskönnun, tvífasa	210	573-00	Renal aortografia	510
781-00	Polycytaemia vera, meðferð með 32-P	210	574-00	Renal angiografia	510
782-00	Æviskeið rauðra blóðkorna, sequestration (eyðingarstað)	210	576-00	Nýrnahettuslagæðar, sérþræðing	510
790-00	Meltingarfærablæðingarskann með rauðum blóðkornum	210	577-00	Sérþræðing í Art. testicularis/ovarica	510
795-00	Æxlisskann með monoclonal antibodies	210	578-00	Slagæðarannsókn á ígræddu nýra	510
796-00	Sýkingarskann með merktum hvítum blóðkornum	210	579-00	Æðarannsókn, aðrar æðar ótaldar	510
797-00	Sýkingarskann með gallium	210	580-00	Flebografi á renalis	510
798-00	Skjaldkirtilskrabbamein, meinvarpaleit, 131-I	210	581-00	Nýrnabláæðar, sérþræðing og blóðsýni tekin	510
8xx-61	Tölvusneiðmyndir - æðaskoðun	210	582-00	Flebografia af gl. supraren.	510
			584-00	Sérþræðing í vena spermatica	510
			584-43	Lokun á vena spermatica (embolisation)	510
			585-00	Bláæðarannsókn grindarholslíffæra	510
			590-00	Ástunga á nýrnaskjóðu (percutan nefropyelostom)	510
			592-52	Stungið á blöðru í nýra (cyst-upunction)-stent	510
			593-00	Stungið á blöðru í nýra (cyst-upunction)	510

Númer	Heiti rannsóknar	Einingar	Númer	Heiti rannsóknar	Einingar
675-00	Slagæðarannsókn á handlegg	510	Mxx-05	Segulómstýrð ástunga/sýnistaka	510
676-00	Ganglímsangiografia	510	Mxx-06	Segulómstýrð ástunga/dren	510
677-00	Aorto-femoral angiografia	510		<b>14. flokkur</b>	
679-00	Rannsókn annarra slagæða	510	780-00	Æxliskönnun (Octreotide, 111-In)	1100
729-00	Basal ganglia (BETA - CIT - 123 - I)	510		<b>15. flokkur</b>	
8xx-05	Tölvusneiðmyndastýrð ástunga/ sýnistaka	510	758-00	Beinameinvörp, meðferð með 89-Sr (Metastron)	1580
8xx-06	Tölvusneiðmyndastýrð ástunga/ dren	510			

## AUGLÝSING

### um deiliskipulag og breytingu á deiliskipulagsáætlunum í Reykjavík.

#### *Bauganes 17, Skerjafirði.*

Í samræmi við skipulags- og byggingarlög, samþykkti borgarráð Reykjavíkur þann 8. apríl 2003, breytingu á deiliskipulagi fyrir Bauganes 17.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

#### *Reynisvatnsheiði, hitaveitugeymar.*

Í samræmi við skipulags- og byggingarlög, samþykkti borgarráð Reykjavíkur þann 21. janúar 2003, deiliskipulag fyrir Reynisvatnsheiði.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

#### *Mjóstræti 4, Grjótaþorp.*

Í samræmi við skipulags- og byggingarlög, samþykkti borgarráð Reykjavíkur þann 7. janúar 2003, breytingu á deiliskipulagi fyrir Mjóstræti 4.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

#### *Tunguháls 1-3.*

Í samræmi við skipulags- og byggingarlög, samþykkti borgarráð Reykjavíkur þann 4. febrúar 2003, breytingu á deiliskipulagi fyrir Tunguháls 1-3.

Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

#### *Sogavegur 135.*

Í samræmi við skipulags- og byggingarlög, samþykkti borgarráð Reykjavíkur þann 11. apríl 2003, breytingu á deiliskipulagi fyrir Sogaveg 135.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagsstofnun gerir athugasemd við birtingu auglýsingar. Breytingin öðlast þegar gildi.